

廣大寶樓閣善住祕密陀羅尼經卷上念五

唐三藏法師菩提流志奉詔譯

序品第一

如是我聞一時佛在王舍大城於初會時降  
伏拘胝魔軍及調伏一切外道捨離生死度  
諸瀑流是時那由他百千苑伽羅頻婆羅魔  
軍遍滿世界于時世尊以佛神力變此大地  
盡成金剛今瞻部洲有情之類不聞恐怖時  
欲魔軍雨諸兵仗皆變為華於王舍城四衢  
道中自然從地涌出蓮華其華千葉七寶莊

嚴黃金為臺瑠璃為莖高至梵天出種種光  
明普遍十方於其華中自然出聲說陀羅尼  
名為善覺明曰

南無十方如來一唵摩尼二拔闍黎三哩哆

耶四跋闍黎五摩羅賽你六微陀羅波你七

念五

賀那賀那八跋闍邏揭鞞九多羅婆耶多羅

婆耶十薩縛上聲摩羅一十波縛那十你

呼憾切薩埵囉薩埵囉三佛馱梅以諦戾十

薩縛但他伽多五跋闍囉迦廬波六地瑟恥

祇七薩婆訶八

時彼蓮華中既說呪已復出妙聲其聲遍滿三千大千世界言善哉釋迦牟尼如來已度生死大海殄滅魔軍離煩惱塵破無明殼然大法炬由比陀羅尼威德力故令此大地變成金剛降伏魔軍爾時金剛密跡菩薩歡喜踊躍身毛竦豎頂禮佛足白佛言世尊今比明呪從何佛所最初而至我從昔來未曾聞見爾時佛告金剛密跡菩薩有陀羅尼名廣大寶樓閣善住秘密由彼威力能令此界三千大千國土變為金剛一切魔軍所有兵仗

皆成蓮華由彼陀羅尼威神力故降諸魔眾四衢道中涌出蓮華若不因彼陀羅尼威德力者不成正覺不能降伏拘胝魔眾不能枯竭煩惱大海然大法炬我於無量拘胝百千劫來雖行難行苦行猶故不能成菩提果爾時聞彼陀羅尼故方成正覺此陀羅尼有大念五威力有大殊勝是真實法於諸如來成就法身能稱彼呪名字則為已稱十方諸佛如來名號若能讀誦受持則為供養禮拜十方諸佛如來爾時執金剛手菩薩摩訶薩以種種

華種種香塗香末香供養於佛既供養已右  
繞三匝頂禮佛足而白佛言世尊此陀羅尼  
有大威力有大殊勝唯願世尊普爲世界一  
切有情不應以下劣法有所饒益應以勝法  
而利益之何以故此陀羅尼如佛真身故爾  
時世尊告執金剛菩薩言衆生下劣不勤精  
進多諸惑亂愚癡闇鈍耽著諸欲不信正法  
不敬父不敬母不敬沙門不敬婆羅門不敬  
尊者由此不能得是陀羅尼薄福少德智慧  
狹劣如此衆生不能得聞不能受持不能生

敬此陀羅尼能滅一切罪是諸如來祕密之  
藏爾時世尊告執金剛手大藥叉將曰善男  
子我今欲往東方過無量恒河沙數拘胝那  
庾他佛世界彼有世界名曰寶燈有一大城  
七寶嚴飾其城四面廣一由旬多諸人衆安  
隱豐樂彼諸男子及諸女人童子童女一切  
瓔珞而以嚴飾上妙寶冠自然而現容貌端  
嚴有大威力精進成就智慧通達城中有王  
名曰妙寶有八十拘胝大臣輔佐圍繞王大  
夫人名光明寶有二十萬宮人皆如天女前

念五

三

後供侍彼世界中所生華果及諸香樹皆是  
七寶水生諸華皆是雜寶陸生諸華皆是黃  
金國人壽命八十萬拘胝歲成就十善於佛  
法僧發大清信彼王善法化世利益衆生彼  
世界中有佛名妙種種色寶善住清淨如來  
應正等覺於彼世界廣作佛事與無量菩薩  
摩訶薩衆及無量拘胝仙人前後圍繞彼之  
如來身紫金色具三十二相八十隨形好圓  
光一尋其明赫耀諸菩薩身皆紫金色相好  
端嚴辯才無礙坐寶華臺常念廣大寶樓閣

善住祕密陀羅尼名由彼陀羅尼威神力故  
成就如是殊勝功德彼佛世尊爲諸衆生演  
說此陀羅尼法彼諸衆生由聞此陀羅尼故  
常獲安樂離諸地獄餓鬼畜生阿素羅道諸  
惡趣門悉皆關閉開淨天路彼諸衆生皆發  
阿耨多羅三藐三菩提心住大慈悲無諸怨  
敵如水乳和合彼佛世尊往昔久遠行菩薩  
道時修此陀羅尼法作如是願願一切有情  
生我國者悉皆決定得不退轉無上正覺若  
有衆生聞此陀羅尼受持讀誦精勤修習憶

念不捨乃至聞名或復手觸或著身上或眼  
視見或書帛素或書牆壁一切衆生若有見  
者五逆四重誹謗正法謗誹聖人屠兒魁膾  
盲者聾者瞎者僂者瘓者癩者癱者貧窮下  
劣不定業者魔網縛者墮邪見者毘那夜迦  
觸者惡星害者七耀害者彼等諸人聞此陀  
羅尼決定證得無上正覺或復受畜生身者  
鹿鳥蚊蝱飛蛾螻蟻胎生化生濕生種種蟲  
等彼諸衆生聞此陀羅尼名者必當決定證  
得阿耨多羅三藐三菩提無諸疑惑爾時世

念五

四

尊說是語已一切大衆皆大歡喜身毛竦豎  
是時天雨波頭摩華俱牟頭華芬陀利華曼  
陀羅華摩訶曼陀羅華於虛空中有諸種種  
微妙天樂自然鼓作時會大衆各各皆見身  
有光明於如來前自然涌出七寶妙幢端嚴  
麗好人所喜見幢有四柱四門及四堦道光  
明赫奕幢四面上各有大寶其光如日普耀  
世界復有無量寶珠綴於羅網無量寶鐸而  
懸其上鮮雜繒綵以爲幡幔多諸妙華間錯  
嚴飾是時大地六種震動所謂動搖吼震涌

沒之相諸天宮殿皆蒙光明光所到處皆悉  
覺悟四天王天明仙天等亦復如是一切魔  
宮忽然光明皆大怖懼諸毘那夜迦恐懼馳  
走越出界外求哀恃怙爾時世尊於兩眉間  
現大白毫其光普遍一切世界一切佛土彼  
諸如來觀此光者即便領悟說陀羅尼意光  
既至已漸自收卷於釋迦如來頂上繞旋如  
沒十方一切諸如來等咸皆同聲讚歎釋迦  
牟尼如來言善哉釋迦牟尼如來汝今應往  
寶燈世界妙種種色寶善住清淨如來所瞻

仰親近及廣宣說大寶樓閣善住祕密陀羅  
尼法何以故此陀羅尼有大威力有大殊勝  
一切過去諸如來等共護念故若人得聞此  
陀羅尼名字及手觸者彼人決定證無上正  
覺爾時釋迦如來聞彼十方諸佛如來讚歎  
聲已復放無量拘胝百萬億光明告諸會中  
諸人等言我今欲往寶燈世界汝等速來今  
正是時爾時如來從座而起詣七寶幢以手  
摩之是時幢中忽然而出金剛妙座香潔殊  
勝於此座上復出七寶雜錯上妙蓮華黃金

爲莖紅寶爲臺時佛世尊於蓮華上敷座而坐爾時世界皆大震動如來便入大寶清淨三摩地既入定已佛神力故將諸會衆及諸菩薩天龍藥叉乾闥婆阿蘇羅羯樓荼緊那羅摩睺羅人及非人無量拘胝明仙眷屬金剛密跡釋梵諸天四天王等上昇虛空往詣東方度無量恒河沙百千萬億拘胝佛刹佛神力故須臾之頃至寶燈世界從空而下詣彼佛所恭敬問訊少病少惱起居輕利時釋迦衆以七寶所成千葉蓮華即奉彼佛時彼

如來在深妙會中舒金色手安慰釋迦如來移於寶幢中坐告釋迦如來曰汝已轉大法輪降伏魔軍然大法炬建立法幢擊大法鼓吹大法蟲於彼世界已作佛事證於所證今復於此瞻部洲中再轉法輪演諸法藏作是語已彼諸佛刹念五十八種動所謂一動搖二涌沸三如波浪四震有聲五吼轟磕六覺一切有情於一一動復各有三所謂動等動等遍動也爾時天雨妙華現諸神變於虛空中出自然音樂諸大龍玉雨大妙寶種種妙香種

種妙衣種種瓔珞上妙紅寶磔真珠毘盧  
遮那摩訶妙寶日藏珠月藏珠日光珠月光  
珠吉祥藏珠雨諸鉢頭摩華俱牟頭華芬陀  
利華曼陀羅華摩訶曼陀羅華黃金華白銀  
華真珠妙瑣繽紛而下爾時諸天於虛空中  
出歡喜聲讚歎釋迦牟尼如來言善哉釋迦  
牟尼如來善哉釋迦牟尼如來欲於此時再  
轉法輪建大妙寶如意法幢於瞻部洲中所  
謂摩訶妙寶廣大寶樓閣秘密善住陀羅尼  
大呪法王令於世間廣大流布爾時種種色

清淨善住寶如來應正等覺於兩眉間放大  
白毫出種種光明其光普至十方世界一切  
佛土彼諸佛等覩斯光者咸皆證知將欲說  
此陀羅尼意其光復至三千大千世界及諸  
天宮龍宮一切地獄傍生閻摩羅宮阿素羅  
衆念五普皆蒙光知佛世尊將欲說法七光既遍已  
漸復收卷繞旋佛頂倏然如沒爾時十方世  
界無量恒河沙等一切諸佛各於彼土與諸  
眷屬現大神變於虛空中化作七寶妙幢於  
其幢中以瞻部金爲師子座時諸佛等各坐

其座同至會中爾時種種色清淨寶如來見十方諸佛來至會中與彼諸佛更相問訊復以種種神變供養彼佛既供養已還坐本座時此會中有一菩薩摩訶薩名曰寶藏從座而起詣種種色清淨善住寶如來所合掌頂禮白佛言世尊今此會中十方諸佛諸大菩薩天龍藥叉乾闥婆阿素羅緊那羅摩睺羅人非人天仙明仙執金剛菩薩而為上首衆會集已無量神變唯願世尊為諸大衆說廣大寶樓閣祕密善住陀羅尼法如是慇懃三

請世尊為衆說法爾時種種色清淨善住寶如來告寶藏菩薩言汝今可詣釋迦牟尼佛所當為汝說時寶藏菩薩摩訶薩即詣釋迦牟尼佛所合掌頂禮右繞三匝白佛言世尊今請如來為諸大衆演說廣大寶樓閣祕密善住清淨陀羅尼法為諸衆生獲利益故爾時釋迦牟尼佛既見寶藏菩薩請已告金剛密跡菩薩言善男子汝今可持金剛杵於大衆中而扣其地金剛密跡菩薩便奉佛命持金剛杵於大衆中而扣其地爾時大地應聲

裂破成四角陷三千大千世界六種震動動  
時彼陷地忽然涌出七寶樓閣其樓四角四  
柱四門嚴麗殊特相好圓滿光明赫奕有四  
塔道高三由旬縱廣正等滿五由旬於其幢  
中有瞻部金微妙寶塔無量寶珠而為嚴飾  
七寶羅網而覆其上無量寶鐸懸於四角妙  
華繒綵而為間錯彼妙塔中有三如來全身  
舍利爾時十方諸佛如來皆共供養塔中舍  
利諸菩薩等亦同供養尊重讚歎散華燒香  
塗香抹香懸繒幡蓋奏諸音樂時諸天龍藥

又乾闥婆阿素羅緊那羅迦樓羅人非人等  
一切會眾咸悉瞻仰奇異希有言此寶塔從  
何而來高聲讚言奇哉希有旋遠歌詠幢及  
寶塔既旋遠已合掌頂禮時彼幢中出微妙  
聲唱言汝諸大眾可觀空中眾聞此聲咸觀  
空中復見大瑠璃寶雲在彼空際其寶雲中  
以金為字書此廣大寶樓閣秘密善住陀羅  
尼呪於虛空中復出聲曰汝等咸可讀此陀  
羅尼呪出此聲已其十方恒河沙同來諸佛  
二佛前皆現瑠璃寶雲以金為字書此陀羅

尼呪復出如是聲曰南無釋迦牟尼如來今  
可開彼舍利塔門彼寶塔中有三如來全身  
舍利由彼舍利現大神變殊勝之相彼全身  
如來於此會中當具說此陀羅尼呪并曼荼  
羅成就明法爾時十方同來諸佛咸作是言  
唯願釋迦如來應正等覺為諸大衆開彼塔  
門今諸衆生見彼全身如來獲大利益所謂  
寶華王幢如來妙寶金剛超王如來寶清淨  
光明如來應正等覺爾時釋迦牟尼如來即  
以神力詣寶塔前舒金色千輻莊嚴右手開

彼塔門示彼如來全身舍利時寶塔中全身  
如來復讚釋迦牟尼如來言善哉善哉釋迦  
牟尼如來今於瞻部洲中再轉法輪汝可就  
此塔中昇師子座爾時釋迦如來即昇塔中  
與諸全身如來同座而坐爾時衆中有金剛  
手菩薩摩訶薩頂禮釋迦牟尼如來合掌恭  
敬白佛言世尊今此塔中諸如來等從何而  
有從何而來佛言汝今諦聽當為汝說乃往  
古昔不可思議無量無數阿僧祇劫此瞻部  
洲中多諸人衆安隱豐樂五穀不種自然成

熟人無彼我亦無積貯當此之時無有佛名  
有一大山名寶山王彼寶山中有三仙人一  
名寶髻二名金髻三名金剛髻彼三仙人繫  
心專念佛法僧寶復作是念我等何時證無  
上正覺度脫一切諸衆生等時彼仙衆作是  
念已須臾默然復起前念由是念故即證慈  
悲歡喜一切衆生種種樓閣三摩地獲於天  
眼觀彼上方見淨居天復於空中有聲言曰  
善哉正士善哉正士能發上願求大正覺汝  
曾聞不有大妙法名廣大寶樓閣祕密善住

陀羅尼往昔如來已曾演說善爲利益一切  
衆生諸有聞者決定不退無上正覺一切佛  
法當速現前一切三昧亦當現前一切陀羅  
尼法門亦當現前能善降伏一切魔軍然大  
法炬一切善種當得現前成就六波羅密一  
切地獄餓鬼傍生閻摩羅界阿素羅衆聞此  
呪者皆蒙解脫生老病死憂悲苦惱未得超  
越當來之世於此瞻部洲衆生有於父母不  
孝順者不敬沙門者不敬婆羅門者不敬耆  
舊者誹謗正法者誹謗聖人者應墮地獄者

念五

十

誹謗諸佛者誹謗菩薩者殺阿羅漢者造五  
逆罪者殺婆羅門者殺牛犢者抄劫竊盜者  
故妄語者不與取者邪淫者兩舌者麤惡語  
者輕秤小斗者強奪財物者負言背信者匿  
他財物者一切惡業所攝者彼等衆生聞此  
陀羅尼若讀若誦若受持若佩身上若書衣  
中若置幢上若書篋內若書素纒及牆壁牌  
板乃至見者聞者及影中過者或與執持呪  
人暫相觸者彼等衆生由斯陀羅尼大威力  
故決定當得無上正覺能於現世獲無量福

一切惡業皆得消滅一切善根皆得圓滿一  
切魔軍皆得調伏一切衆生見者歡喜一切  
衆生恭敬尊重國王大臣及諸眷屬見者歡  
喜口所出言聞者皆信手脚柔輒音調和雅  
離於貧窮不受世苦毒藥刀仗水火災等難  
永相去離師子虎狼諸惡禽獸不能爲害無  
劫賊難無梅毒難無魁膾難無羅刹難無  
惡鬼難無邪魅難無毒蛇難無疫病難乃至  
一日病二日病三日病四日病瘧病常病眼病  
耳病鼻病舌病口病齒病唇病喉病頂病手

念五

十一

病背病腰痛臍病痔病痢病髀病脚病疔病  
瘡病斑病肚病疥病疱病癩病癬病頭痛病  
偏風病如此病等悉皆除滅不盲不聾不瘂  
不僂臨命終時心不散亂不失正念一切諸  
佛常來現前安慰其人睡眠覺寤行住坐卧  
常得安樂或於夢中見百千萬世界刹土諸  
佛如來并諸菩薩前後圍遶此陀羅尼有如  
是等無量無邊不可思議力時彼仙人得法  
歡喜欣慶踊躍於其住處如新醍醐消沒於  
地即於沒處而生三竹七寶爲根金莖葉竿

梢枝之上皆有真珠香潔殊勝常有光明往  
來見者靡不欣悅生滿十月便自裂破一一  
竹內各生一童子顏貌端正色相成就時三  
童子亦既生已各於竹下結跏趺坐入諸禪  
定至第七日於其夜中皆成正覺其身金色  
三十二相八十種好圓光嚴飾時彼三竹一  
一變成高妙樓閣爾時便有廣大寶祕密善  
住陀羅尼呪於虛空中以金書字忽然而現  
四大天王所謂寶髻龍主天王寶藏鳩槃荼  
主天王妙珠光摩祜羅主天王各執持寶蓋

而覆其上清淨天人散諸妙珠金剛藥又主  
天王與無量百千眷屬執持妙華而以供養  
同作是言今佛世尊出現寶幢爾時世尊告  
執金剛菩薩摩訶薩昔三仙人豈異人乎今  
此寶幢塔中三全身如來是彼時三竹者今  
妙樓閣寶幢是彼時地者今此地是彼時世  
界者今此世界是彼時仙人由聞此陀羅尼  
勤修習故捨彼仙身成等正覺昔時空中淨  
居天者豈異人乎則我身是昔有賢者名曰  
淨居常勤供養彼三仙人其淨居者今妙種

念五

十二

種色清淨如來是昔彼三仙既成正覺為彼  
淨居而授記曰汝於來世當得作佛號妙種  
種色清淨如來爾時十方同來諸佛咸讚釋  
迦牟尼如來言善哉善哉能以如來境界善  
加護故說此往昔因緣示現如是祕密陀羅  
尼此陀羅尼是諸如來祕密之母是諸如來  
祕密之心是諸如來金剛之座是諸如來祕  
密神變是諸如來成就祕密六波羅蜜是諸  
如來般若波羅蜜是諸如來祕密壇場是諸  
如來祕密之印是諸如來祕密故百千萬光

是諸如來秘密實相之藏是諸如來秘密三  
 摩地加護神變是諸菩薩秘密莊嚴菩提心  
 是諸菩薩秘密佛地是諸菩薩入秘密三摩  
 地此陀羅尼能除一切業障汝今能說爾時  
 釋迦牟尼如來住正念智觀察一切如來復  
 放念五百千萬拘胝那庾他光明所謂青黃赤白  
 紅紫雜色普遍十方諸佛世界光遍彼已還  
 來佛所右遶三匝沒於佛頂光既沒已時佛  
 世尊以淨梵音於大眾中說此陀羅尼呪曰  
 唵一薩婆旦那伽上聲多二摩尼捨多三你

畢低四社縛羅社縛上聲羅五達摩馱睹碣  
 里鞞六摩尼摩尼七摩訶旦那伽多纈里摩  
 尼八莎訶九  
 說此陀羅尼大明呪王已山河大地六種震  
 動十方如來同聲讚言善哉善哉釋迦如來  
 善說此陀羅尼大明神呪於虛空中現瞻部  
 金雲遍覆十方於其雲中下七寶雨雜以牛  
 頭栴檀上妙秣香充滿世界復雨優曇鉢華  
 而以供養次雨俱牟頭華芬陀利華蘇乾陀  
 華曼陀羅華摩訶曼陀羅華露遮華大露遮

華曼殊沙華大曼殊沙華蘇摩那華婆利師  
迦華梅檀華瞻蔔華而供養佛一切魔宮熾  
然火起一切魔眾皆悉驚怖一切毘那夜迦  
身皆流汗臭穢奔走十方所有淨信天龍藥  
叉乾闥婆阿素羅緊那羅摩睺羅人非人等  
各持供具供養如來復有摩尼光思惟菩薩  
與無量百千萬億俱胝菩薩悉持種種妙寶  
而供養佛復有金剛手菩薩與無量百千萬  
億俱胝明仙復以種種百千天衣而供養佛  
復有四大天王與無量百千萬億四天王眾

以種種香華塗香秣香華鬘衣服幡蓋而供  
養佛復有梵天與梵眾諸天而來供養復有  
三十三天與百千萬億天子供養於佛如是  
那羅延大自在天賢摩居天賢滿力天等同  
來供養復有日月天子在於空中而供養佛  
復有勝天女勝天女者功德大天辯才天女  
餉棄尼天女毘摩天王金剛時天女華齒天  
女使者天女百千萬億各各以天嚴具供養  
於佛復有鬼子母神與百千萬億藥叉女等  
前後圍遶而供養佛復有無量乾闥婆眾以

念五

十四

天音樂而供養佛復有無量百千龍王集會  
所謂娑竭羅龍王難陀龍王優鉢難陀龍王  
婆魯拏龍王善住龍王寶髻龍王形貌完圓  
龍王以種種妙寶而供養佛復有轉輪王與  
無量百千萬億大臣宮人姝女前後圍遶於  
時大地變成金剛於如來前從地涌出七寶  
蓮華其華千葉於其華中有贍部金千輻寶  
輪光明赫奕暉耀如日其光遍覆三千大千  
世界於輪臍中出微妙聲作如是言善哉善  
哉釋迦牟尼如來能說如是祕密陀羅尼此

陀羅尼明呪能轉無上最大法輪能入菩提  
道場是諸如來祕密明心是諸如來真實如  
理唯願世尊復更為說廣大善住祕密樓閣  
陀羅尼心要之法令一切大眾咸皆覺悟無  
上菩提此為根本今正是時願垂速說此呪  
能除一切惡道業障能竭一切血淚苦海能  
度一切生死曠野能越一切煩惱瀑流若不  
遇此陀羅尼大明呪王終不能成無上正覺  
此陀羅尼是諸佛種是大法輪是大法炬是  
大法幢是大法蠶是大法鼓是金剛座唯願

念五

十五

世尊廣為衆說此大陀羅尼王曼荼羅印法  
懺法今此會中天龍藥叉乾闥婆迦樓羅緊  
那羅摩睺羅伽人非人等咸皆瞻仰願聞法  
要爾時世尊聞是語已即為大衆廣說陀羅  
尼祕要之法

根本陀羅尼品第二

爾時世尊為諸大衆說此陀羅尼王能成就  
無上菩提能除一切罪業身得清淨即說陀  
羅尼曰

那慕薩婆怛他揭多去聲南去聲唵二肥布羅

孽鞞三摩尼去聲鉢臘合鞞四怛他聲上多去聲那

捺你舍泥五摩尼摩尼六蘇鉢臘鞞七肥摩

麗八娑孽囉紺鼻去聲曬九吽吽十什瞞羅什

瞞羅十一合勃陀嚩路枳羝十二虞醯夜合二瑟

恥合二多孽鞞三十莎訶四十

爾時世尊說此廣大寶善住祕密樓閣陀羅  
尼已於此大地六種震動雨大寶雨及天妙  
華一切大衆咸皆歡喜歎未曾有證不退轉  
是時十方諸如來等同聲讚歎釋迦牟尼如  
來善哉釋迦牟尼如來乃能說是入菩薩道

場陀羅尼大衆聞已一切惡趣皆得消滅念  
 此陀羅尼名者則爲以諸微妙香華塗香糝  
 香供養十方一切諸佛若能讀誦即得不退  
 轉無上正覺乃至百劫千劫百千萬劫一切  
 如來不能讚歎盡其功德此陀羅尼有大威  
 力一切魔王終不能爲其障礙念五一切怨家惡十六  
 友鬼神藥叉羅刹人非人等不能爲害增長  
 無量福德若纔念此陀羅尼者獲福如是爾  
 時執金剛手藥叉軍將及四大天王於其會  
 中從座而起恭敬合掌頂禮佛足白言世尊

我等常當擁護持此陀羅尼者爾時世尊舒  
 金色手摩執金剛手菩薩及四大天王頂作  
 是言我今以此陀羅尼神呪付囑於汝若有  
 持此陀羅尼者汝當擁護爾時執金剛手菩  
 薩及四大天王白佛言世尊我等奉如來教  
 常護此大陀羅尼法王明呪亦當擁護彼受  
 持者  
 心隨心呪品第三  
 爾時世尊爲諸大衆說陀羅尼心呪曰  
 唵 摩你 跋社 黎吽

爾時世尊復說隨心呪曰

唵 摩你 達哩吽 鍤吒

根本呪者不假簡擇吉祥星宿日齋戒但誦  
滿一萬遍已然後佛前或舍利塔前於白月  
十五日潔淨洗浴著鮮淨衣隨力供養然四  
盞燈散諸香華受持呪者食三白食念五便誦此  
呪八百遍即於當處宿天欲曉時如來乃現  
其身執金剛手菩薩亦現於前所有願者皆  
得圓滿若造五逆罪者作如是法第三遍方  
得感現勿生疑惑常於清旦誦八百遍所求

上願皆得成就毒不能害水不能漂火不能  
燒賊不能傷病不能侵無他怨怖常無重病  
亦無眼病耳病鼻病舌病口病齒病脣病乃  
至一日病二日病三日病四日病無頭痛諸  
惡毒蛇虎狼禽獸不能為害無邪魅難此陀  
羅尼威力如是能除一切怖畏能滅一切惡  
障能生一切功德能成就六波羅蜜成就如  
來所行之行讀此陀羅尼者皆能成就一切  
事業若有人登大高山峯上誦此陀羅尼盡  
眼所見處所有衆生滅一切罪業亦離一切

地獄業得免一切畜生身若入天廟中誦此陀羅尼者使諸天神無不從命若入龍池誦此呪者一切龍神皆來歸命若於日前誦此呪者日天子即當來現其人前所求意願皆能與之若有人於執金剛手菩薩前誦此呪者執金剛手菩薩現於其前所求願者亦得隨意若有人取菖蒲根誦此呪八千遍訖或佩或執即令一切衆生見者歡喜所索皆得若呪胡椒含於口中其他人語所出言音皆悉信受若有人呪白芥子一千八遍擲於虛

空一切惡風雷電皆得消散若呪食鹽一百八遍令淨行婆羅門皆來率伏若欲調伏刹利取白芥子呪千八遍燒之并可呼諸鬼神來共人語亦能治一切鬼氣若天災旱以黃牛糞塗地畫作龍一身三首其下作四方龍池於龍池中著金其壇青色黃丹畫龍身上於壇四角各置一滿瓶水復置四香爐置四新瓦盆一盆中著乳一盆著酪一盆置乳糜一盆置酥及沙糖又別作四肘方壇以牛糞塗飾復以麩糝畫壇壇內插箭四隻纏五

念五

十八

色線懸五綵幡燒四種香所謂安悉熏陸白檀蘇合於其壇內散七種穀列五色食并諸華果其誦呪人面向東方取一芥子呪之一遍皆令擲打畫龍頭上一呪一擲滿千八遍龍即行雨一切諸龍皆來率伏若欲止雨取白芥子誦呪之擲龍池中雨即便止若惡風電雨取佉陀羅木作椶釘龍池邊即得電止若欲縛毘那夜迦取白芥子呪一百八遍安毘那夜迦頭上便不能作其障礙以乳洗毘那夜迦即得解脫所作諸業皆得成就其

持呪者常須清潔著鮮淨衣此是根本呪法持心呪法品第四

持心呪者誦一百千遍得見一切如來若誦二百千遍得見一切佛土若誦三百千遍得入一切壇場悉得成就一切呪法若誦四百

念五

十九

千遍得作仙人中轉輪王若誦五百千遍得入一切阿脩羅宮中若誦六百千遍得見一切伏藏若誦七百千遍即了過去知宿命事若誦八百千遍即得寶印三摩地若誦九百千遍得一切菩薩神變加持若誦十百千遍

得一切如來灌頂佛地與一切如來同會如是倍增而獲無量殊勝功德若造五逆罪誹謗聖人誹謗正法應入阿鼻地獄者誦呪一千遍所作罪業悉皆消滅得不退位悟宿命智眼耳鼻舌身意六根清淨增長無量殊勝功德兼獲世間種種事業隨意成就復次說雄黃法取好雄黃一小兩許置赤銅器中從月十三日身自洗浴著鮮淨衣喫三白食謂酥乳酪於世尊前呪十萬遍至十五日夜所呪雄黃現三種相若煙若煙若光焰即得成

就若其煙時持呪之人身隱不現阿修羅窟門開見一切宮殿悉皆得入若意樂所作皆得成就即得仙人轉輪王位取少雄黃點自額上若見煙出即點眼上當見一切菩薩宮殿住處又見一切金剛種性遠離一切諸惡魔衆得達一切法藏隨所去處皆得通達若見光焰即騰虛空得見光焰陀羅尼三摩地得入三十二諸天中王所欲皆得若於山頂誦呪得爲一切衆生尊重所求皆得一切瞻部人咸來恭敬於水池邊誦此呪一千八遍

一切諸龍皆悉降伏取白芥子呪千遍散擲  
虛空即便大雨降伏諸龍若日日誦持得種  
種殊勝吉祥取一瓶水以因陀羅呵悉多藥  
白皮藥也及鉢羅奢藥赤藥也白芥子并鬱金香紫  
檀白檀等香各一小兩半內前瓶中誦呪一  
萬遍取此香水洗浴一切大病患人皆得除  
念五  
瘥及滅一切罪障所有符書厭禱皆悉消滅  
獲得一切殊勝吉祥若有婦人意欲求男以  
此水洗浴即便生男若有諸人誦持餘呪無  
能驗者以此水洗浴即便有驗如是一切速

得成就及餘事業亦得成就

誦隨心呪法品第五

誦隨心呪者滿一萬遍所有障礙諸鬼神等  
悉來敬禮持呪者足作如是言救護我等勿  
斷我命所使我者決定得了若誦二萬一千  
遍者即便使得一切天龍為天中主所出言  
辭天皆奉行若誦三萬遍一切藥又羅刹咸  
悉伏從四萬遍梵本闕若誦五萬遍所欲追攝若天  
若龍若藥叉若迦樓羅若緊那羅阿脩羅摩  
睺羅及仙人婁女沙門婆羅門刹利種種人

等以安息香及白芥子燒之若誦六萬遍得  
 無垢三摩地若誦七萬遍得作仙人轉輪王  
 若誦八萬遍執金剛手菩薩及與眷屬來現  
 其前若誦九萬遍得諸菩薩施與無畏若誦  
 十萬遍得盡見過去如來隨意所適無有障  
念五  
 礙得一切陀羅尼經論一切如來加持令證  
廿一  
 無上菩提及得種種出世間法皆得成就諸  
 佛如來無不隨喜  
 雜呪品第六  
 坐壇呪曰

唵摩尼室荼利吽吽莎訶誦七遍然後作餘護持法  
 結界呪曰  
 唵摩尼微微者者曳達囉達囉義吽吽莎婆訶  
 此結界呪用白芥子呪七遍以散壇中便成  
 結界法  
 結十方界呪曰  
 唵一臆切如夜縛上離多二摩尼三阿盧合二止  
 囉四妙義枳唎底五勝義吽吽鏝吒  
 此結十方界呪以香水和白芥子呪八百遍

散灑十方

縛毘那夜迦呪曰

唵一摩尼鉢囉義婆瞞你二賀羅賀羅吽吽

拂莎婆訶

其呪用灰水誦呪二十一遍散於十方則令

一切毘那夜迦悉皆被縛無能作難

結護身呪曰

唵跋質囉摩你一帝瑟吒帝瑟吒二吽吽拂

誦此呪七遍况自身手以自摩頭

結淨衣呪曰

唵 摩尼微布黎一地喇地喇二吽拂吒三

此呪香水灑衣上

洗手呪曰

唵 微唯切度筏底一訶囉訶囉二摩訶摩

你三吽吽拂

若欲洗手時呪水洗手用灑身上廿二

洗浴呪曰

唵蘇哩唵結摩羅伐底二訶囉訶囉三跋半

弭離弭離吽莎訶

用白芥子和其淨水呪八百遍以浴身

灑水及洗衣呪曰

唵摩尼達哩吽吽捺吒

此是結護呪一切香華果等及所用物皆用

呪索白氈線呪曰

唵地理地哩微麼羅義能迦哩義者吽吽捺吒

散華呪曰

唵薩婆多他伽多一布闍摩布闍摩二供義你

吽吽

此散華呪呪華二十一遍散華時亦誦

塗香泥壇呪曰

唵薩婆多他伽多一乾陀摩你二娑頗囉拏

如夜又吽吽  
六熾盛

誦此呪呪香塗壇

燒香呪曰

唵拾縛利多一摩尼二阿筏囉句吒雲臺也三娑

頗囉拏四微伽低五吽

然燈呪曰

唵拾然拏切縛利多一始佉哩二陀縛利三吽

吽捺吒

壇外施一切天神鬼等食祭祀食呪曰

唵鉢囉縛囉一竭囉縛底二娑羅娑羅吽吽  
散杭米華獻諸天又用呪杭米於神邊供養  
呪曰

唵摩訶摩你一布囉耶二達囉達囉三吽吽  
此供養過迦壇內日別獻佛食呪曰

唵摩訶摩你一微布犁二吽吽三娑羅娑囉  
四吽吽

獻火食呪曰

唵捨燃縛囉一薩普囉二伽伽那三鉢囉  
鉢囉合二多囉尼吽吽

把數珠呪曰

唵呵噓止囉一摩你鉢囉縛多耶二吽

以此呪誦七遍已即成就一切如來無量百  
千呪法若准模壇界呪繩七遍乃可施用次  
結跏趺坐呪曰

唵 拔折囉摩你一迦囉緊迦唎迦唎吽吽  
抹吐

念誦呪時呪曰

唵 蘇鉢囉縛底多一吠藝二摩你摩你三  
莎訶

先誦此呪然後持餘

啓告諸佛願知呪曰

唵薩婆多陀伽多南縛與社鞞一多囉多

囉吽吽二摩你迦那寧三莎訶

此呪初繫念時誦之

念五

廿四

請一切諸佛呪曰

唵 蘇微布羅一鉢囉鉢囉二縛黎三杜嚧

杜嚧四吽吽

求請一切菩薩願呪曰

唵薩婆多他伽多 地瑟吒質多僧伽一拔

社黎吽吽

求請菩薩眷屬呪曰

唵 蘇微布囉一縛多寧二訶羅訶囉吽

此呪用請一切諸佛及菩薩等眷屬

追一切諸天及龍呪曰

唵 阿鼻娑薩摩音耶一拔質黎二達囉達

囉三吽

請追一切諸天及四天王呪曰

唵 摩你微迦縛低吽

已上法若請佛菩薩請神及四天王安於座

上一一皆以其身本呪請安之

侍者呪曰

唵華羽切婆摩你一呼噓呼噓二吽

此呪用結護壇外供事人欲入時誦之

入壇場呪曰

唵 娑婆多他念五伽多 一拔質唎你廿五二達囉達

囉吽吽

此呪臨入壇時門前禮拜已踟跪合掌誦之

即入壇中

一切祭祀呪曰

唵微羅微羅制一伽伽那縛希音你二羅呼

羅呼三吽

此呪獻一切佛及一切菩薩天神香華飲食

時用

又是時訖已送一切佛菩薩呪護身呪曰

唵摩你一蘇婆你二蘇婆你三微伽縛低四

阿囉又多五摩尼吽

誦此呪時願一切佛菩薩一切天神加被

發遣諸天呪曰

唵薩婆多他伽多俱盧你低娑摩囉微伽低



廣大寶樓閣善住祕密陀羅尼經卷中念六

唐三藏法師善提流志奉詔譯

結壇場法品第七

爾時世尊說壇場法先擇勝地然後作壇其壇場作四門以五色彩畫其彩於新器中和香然後用之其場中心作一小壇方圓二肘以白檀香鬱金香而塗飾之其大壇四肘以牛糞塗飾其小壇中畫一佛像其佛前作一蓮華七寶莊嚴於蓮華臺中畫作一輪輪有千輻有輞有臍以金飾輪輪外畫焰光其蓮

華莖如昆瑠璃色右邊畫執金剛菩薩而作瞋相手執白拂又可右手把杵左手把鉞斧左邊畫寶光金剛菩薩種種瓔珞以為嚴飾一手擎寶珠亦可一手把數珠一手執白拂四角各畫四大王身著衣甲手執器仗種種瓔珞而嚴飾之作瞋怒相其小壇中畫七寶階道於其壇上懸繒幡蓋其壇大門向東而開四角各置一金銀瓶或無金瓶瓦瓶金塗中盛滿香水及安妙華銀瓶無者亦應如是滿中盛乳於小壇東門內南邊畫吉祥天

念六

女種種瓔珞而以莊嚴北邊畫餉棄尼天女  
 壇中門應畫金剛使女神其神形安八臂種  
 種瓔珞以為嚴飾手執刀仗於小壇懸種種  
 幡蓋然三十二燈種種華果散其壇上於佛  
 像前置金香鑪燒蘇合香於小壇外置銀香  
 爐燒安息香於摩尼藥叉前燒蘇合香於四  
 天王前燒薰陸香及薩闍羅娑香白膠也於吉  
 祥天女前燒白檀香於餉棄尼天女前燒安  
 息香於金剛使女前燒薩羅計香青膠也其諸  
 天神各各別以飲食而供養之其小壇四門

外各立吉祥標於其東門外畫作鬼子母神  
 有七鬼子圍遶於南門外畫大自在天神於  
 西門外畫華齒落叉女於北門外畫毘摩天  
 女有七綵女圍遶於壇四邊上插三十二箭  
 其一箭各以五色線纏之壇四面懸五色  
 幡應作七種油餅念六於大壇外置三十二淨水  
 盆盆中安種種華三十二淨水瓶瓶各各安  
 漿三十二香爐然一百八燈懸一百八流蘇  
 散流蘇若華髮也種種秣香然種種香所謂安息薰  
 陸悉必栗迦云首菴香栴檀沉香多伽羅蘇合薩

羅計青膠香也五味香龍腦香麝香鬱金紫檀等  
 香以為塗香塗天神上復以乳酪沙糖石蜜  
 水各盛以八瓶復以乳粥乳粥者秬米菘豆  
 胡麻酥相和煮之秬米飯歡喜團歡喜團者炒秬米麩  
 和石榴漿各有八盆復盛四瓦椀油四瓦椀  
 酥四瓦椀沙糖四瓦椀油麻四瓦椀果子四  
 瓦椀七種穀子作種種食散於壇外所謂餗  
 餅煎餅小豆煎餅豆黃末和蒲萄漿作油麻  
 煎餅無憂餅妙味餅酥餅沙糖餅復於大壇  
 西門外置二香水瓶并置發祠食欲入壇時

先誦此呪呪門兩邊香水瓶取香水一掬呪洗已自  
 潔淨能令諸穢悉皆清淨既嚴結已則入道  
 場呪曰  
 唵摩訶毘富羅 一鉢囉底 二瑟恥多悉睇 三  
 阿鞞訖者 四摩哈薩婆坦他伽多鼻灑鷄 五  
 婆囉婆羅 六三婆羅 三婆羅 七吽吽  
 又當知應入壇物飲食香華衣服水土果子  
 一切等物皆以此呪呪三七遍洗止然始將  
 入誦此呪者能除先世以來所有惡業令得  
 身心清淨一切諸佛皆來擁護攝受而為授

記施其無畏所有事業能令成就得入如來

三摩地悟甚深法忍登佛道場當成正覺

手印呪品第八

爾時世尊為諸大眾說手印呪法佛言應於

佛壇中作四佛心印呪復作四聖金剛心印

呪以此二印啓請諸佛勿用別印

第一即說佛心印法呪曰

唵薩婆旦那一 纈哩多耶二 摩尼步婆邏尼

三 阿費瑟吒耶四 吽

第二復說諸如來入壇呪曰

唵薩婆旦那一 鉢邏縛囉碣羅摩尼二 吽

請佛已誦此呪

第三安慰如來呪曰

唵 薩婆旦那伽多一 毘三步陀那二 跋逝

黎三 吽

第四請如來加護心印呪曰

唵薩婆旦那伽多一 鉢邏縛囉二 摩尼三 嚧

指黎四 吽吽拏

復次如來重說建立呪曰

唵 薩婆旦那伽多地瑟佗耶摩尼吽拏

第五請如來坐金剛師子座印呪曰

唵薩婆旦那伽多一毘富羅三婆鞞二吽吽

第六請如來灌頂印呪曰

唵薩婆旦那伽多一三摩耶二摩尼跋闍梨三吽吽

第七請如來轉法輪印呪曰

念六

唵薩婆旦那伽多一社耶毘社耶二阿枳多

跋闍梨三吽吽

第八帶勝符印呪曰

唵薩婆旦那伽多一達摩馱都二摩訶摩尼

始佉梨四曷囉曷囉五吽吽

第九如來轉法輪印呪曰

唵薩婆旦那伽多一摩訶跋闍囉阿縛耶二

馱囉馱囉吽吽捺

第十請執金剛手菩薩印呪曰

唵社盧社盧一摩尼摩尼二鼻女頰摩尼三

薩婆訶

第十一請聖摩尼金剛菩薩以如意寶印呪

曰

唵露迦波利低社耶社耶吽

永樂北藏

寶樓閣經

第五四册

第十二請四天王呪曰

唵毘富羅 一 竭囉伐底 二 三跋羅 三 吽

第十三請吉祥天女印呪曰

唵碣瑟檄哩尼 一 毘婆羅 二 吽

第十四呼餉棄尼天女呪曰

唵阿伽摩耶 念六 婆囉聞遮吒 上 訶斯泥 五 三

吽

第十五請金剛使者天女神印呪曰

唵三漫多伽囉 一 波布囉尼 二 馱迦馱迦吽

吽拏

第十六呼所住壇中天神等印呪曰

唵婆囉娑囉毘娑囉吽吽

第十七蓮華印呪法

畫像品第九

爾時世尊告諸大眾我今說畫像法而能成就一切事業應取新白氎未割線者或一肘或二肘或三肘或四肘乃至七肘四方令等畫一如來坐師子座作說法像於像右傍畫執金剛菩薩為赤白紅色有十二臂皆執刀仗有四面正一面端正歡喜左一面瞋相右

一面有牙上出又一面皺眉怒目可畏相以種種瓔珞而嚴飾之坐蓮華臺半結跏而坐垂一脚也如來左邊畫摩尼金剛菩薩有四前面歡喜右面青色青色者作摩訶迦羅天面左面作師子面綠色半作師子半作人面後面瞋相皺眉露齒色作淺綠色有十六臂右手把如意珠作奉佛相左手持蓮華右手施無畏無畏者仰展舒相如低二手合掌餘手皆執諸仗所謂三鋒槩輪刀金剛杵華篋數珠澡瓶利劍經夾寶塔須彌山錫杖罽

索鐵鏈於蓮華臺半跏而坐於其座下作餉棄尼天女有八臂胡跪合掌作供養佛相金剛手菩薩座下作吉祥天女胡跪執種種寶器供養如來於吉祥天女後畫作使者天女作笑面有四臂種種瓔珞而為嚴飾手持刀仗餉棄天女後畫作華齒羅刹女身著素服念六以手持華瞻仰如來於大像前畫作七寶蓮華而有千葉瑠璃為莖其上作千輻金輪有轂有輞四面皆焰光其下畫作四天王種種嚴飾手執刀仗七寶蓮下作七寶池於池岸六

上作衆多仙人皆悉胡跪或各各手執華寶  
香爐或手持數珠各異嚴持瞻仰如來而爲  
供養於大像上畫梵天帝釋大自在天散華  
供養勿以皮膠和於綠色其畫像人應受八  
關齋戒誦呪之者著新淨衣食三白食月八  
日在如來前如法誦呪至十五日令滿一億  
遍乃見自身而發光明便悟無障慧眼證清  
淨摩尼定於諸仙人得輪王位親見一切如  
來若誦一遍不墮一切惡趣離諸貪瞋癡無  
諸妬嫉成就一切功德攝受一切善根諸佛

如來之所護念常來安慰能攝一切諸天一  
切天龍藥叉乾闥婆迦樓羅緊那羅摩睺羅  
伽人非人等皆來供養國王大臣常應恭敬  
在於人間遊行無畏諸波羅蜜皆速成就其  
有但受持讀誦者得無量功德若能如法結  
壇場畫形像備諸壇法合六彼人功德與佛無異  
爲諸人天之所敬養諸佛如來授記此人使  
定證於無上菩提不復受胎藏之身所生之  
處皆蓮華中常於佛前與諸菩薩同坐一處  
火祭品第十

復次如來為諸大眾說火祭法於一一法中  
欲求一切驗効者能令作者成就利益諸眾  
生者佛告諸誦呪者先須清淨身心作淨梵  
行然後呪食燒之供養祭火誦此呪曰  
唵 薩婆訶 鉢底切丁以 勃略二 薄婆三 吽

吽 莎訶

誦此呪時應以油麻白芥子和酥呪八千遍  
一呪一投於火中能令一切呪法速得成就  
伏諸一切障礙鬼神一切惡鬼惡業惡友怨  
家皆得調伏一切惡夢災怪不祥之事自然

消散以安息香白芥子和酥呪八千遍投於  
火中誦呪滿八千遍一切鬼神欲來惱者頭  
自裂破一切病患速得除愈復以酥和白芥  
子誦滿八千遍當得王位無諸怨敵若以天  
水香也松木和酥投於火中誦呪八千遍當得

轉輪王位所願皆得若以娑羅樹香也松稍和  
因坩羅酥及白芥子於山峯上以火燒之諸  
阿素囉門自然而開此人得作明仙王若以  
乾陀羅樹香安息香也又可那伽鷄薩龍華葉也和白芥子油  
於龍池傍誦以八千遍燒之能伏一切諸龍

須使皆有須雨即雨更無雷電之難以雜穀  
 子又可供養佛淨齋食若為自他稱名誦呪  
 滿八千遍火中燒之能令五穀豐熟以白鹽  
 誦滿八千遍火中燒之一切藥又女皆來禮  
 足言勿傷我命念六隨意驅使以酥和秬米誦呪  
 八千遍於火燒之得大富貴以胡椒對日日  
 東方時祠火呪八千遍其人常得諸天擁護  
 恒為利益若於吉祥天女前以油麻和白芥  
 子燒之得大財若以邊迦木云杜仲長一尺八百段誦  
 呪八百遍火中燒之得一切諸佛菩薩悉知

是人離諸業障於一切世間出世間明呪皆  
 悉了悟無諸疾病於諸怨敵而得最勝世間  
 煩惱不能染著由此明呪力故諸有善業皆  
 得成就一切惡夢不祥之事皆得消散一切  
 邪魅厭禱之橫皆不著身不墮邪見雜惡道  
 中爾時佛告金剛密跡菩薩此陀羅尼王法  
 有大威德是一切諸佛如來心是諸佛母是  
 諸如來轉大法輪是諸如來入菩提路是諸  
 如來智慧法炬是諸如來鳴大法蟲是諸如  
 來坐金剛座是諸如來降伏魔軍是諸如來

最勝秘密能除贍部洲衆生所有煩惱能竭  
贍部洲衆生地獄餓鬼傍生之業能除贍部  
洲衆生生老病死憂悲苦惱爾時世尊復告  
金剛密跡菩薩我以佛眼觀諸如來不能說  
此陀羅尼所有功德甚深妙法此陀羅尼有  
如是最勝殊妙非諸譬喻之所能盡念六薄福少  
德下賤衆生永不聞此陀羅尼名字况復得  
見受持讀誦若有聞見此陀羅尼者是人已  
曾親近恒河沙諸佛菩薩佛告金剛密跡菩  
薩此如來心難解難入若有善男子善女人

於百千萬劫供養八十俱胝無量恒河沙諸  
佛菩薩飲食衣服房舍卧具百種湯藥旃蓋  
香華塗香鉢香復以七寶滿三千大千世界  
於日日中奉施諸佛金剛菩薩於汝意云何  
是善男子善女人功德多不金剛菩薩白佛  
言世尊此人功德無量無邊不可勝數佛言  
若於如來心陀羅尼能讀誦滿萬遍者此人  
功德勝前功德諸佛如來說不能盡若有善  
男子善女人雖不讀誦但心念者亦得如上  
無量功德爾時如來說是言已衆中天龍藥

又乾闥婆迦樓羅緊那羅摩睺羅伽人非人等一切大衆踊躍歡喜發聲歎詠五體投地合掌向佛白言世尊佛出世間甚成希有今佛世尊於瞻部洲能善建立置秘密陀羅尼心法爾時十方同會諸佛菩薩咸讚釋迦如來言善哉善哉既同讚已各還本土爾時釋迦牟尼世尊以佛神力還娑婆世界普光心印品第十一爾時金剛藥又主菩薩踊躍歡喜身毛皆豎於仙人會中持杵揮空以種種香華衣服與

諸仙人往詣佛所頂禮佛足右繞三匝以諸香華而散佛上偏袒右肩右膝著地白佛言世尊如來今於人間然大法炬建立陀羅尼法若有見聞此陀羅尼者與佛無異如此衆生決定當得無上正覺捨離一切諸惡業障念六惟願世尊為諸衆生說陀羅尼印法此之手印如何而作如何安手如何安臂復更云何以手接手云何而作心印云何舒臂云何住念云何安慰壇神云何能得諸佛如來之所加護云何請佛坐金剛座云何請諸如來而

爲灌頂轉大法輪云何得勝持印之法云何  
作轉輪王云何作如意寶云何作四天王云  
何作吉祥天女云何作餉棄尼印云何作女  
使者印云何作安置諸天云何作呼諸天云  
何作根本此諸法我先不解世尊慈悲爲我  
而說若解此印速能成就諸功德故若有見  
者獲福無量爾時世尊於大衆中舒百千萬  
俱胝莊嚴功德手覆金剛菩薩頂上安慰金  
剛密跡曰大藥又主汝今諦聽諦聽我爲汝  
說陀羅尼印法付囑於汝爲諸未來一切衆

生汝應受持爲我流布當加敬護猶如諸佛  
同入如來道場之想同見如來轉大法輪亦  
如守護諸佛舍利勿以此法於後世時妄相  
付與下劣賤人惡性衆生破戒衆生懈怠衆  
生邪見衆生小乘衆生貪欲衆生我慢衆生  
如斯之類不須爲說此陀羅尼如佛舍利若  
有薄福衆生聞我此法便令損壞當知此等  
如毀謗佛無有異也是故金剛菩薩應勤加  
護勿妄傳授此呪所在之處如佛無異爾時  
金剛手菩薩頂禮佛足白佛言世尊如是如

念六

十一

是如世尊所說我當專心恭敬供養以報佛恩唯願世尊爲我演悟作印之法今諸學者得法成就

廣大寶樓閣善住祕密陀羅尼經卷中

廣大寶樓閣善住祕密陀羅尼經卷下

唐三藏法師菩提流志奉詔譯

手印品第十二

爾時世尊知衆渴仰作印之法便爲說言若持呪者應淨洗浴著鮮潔衣以五種牛淨物

用護其身復以塗香遍拭其體以白檀香塗其掌復以鬘金香再塗其上以五色呪索而繫其臂或於佛前舍利塔前面東向坐居寂靜處發慈悲心念根本呪隨心呪心呪亦復如是常以香華供養諸佛於執金剛觀世音曼殊師利彌勒菩薩等亦應如是供養禮十方諸佛賢聖作如是啓請曰

第一稽首十方過去未來見在一切諸佛及諸菩薩我今盡皆禮足尊重供養便說呪曰唵牟尼摩尼<sup>一</sup>縛羅義鉢囉縛離<sup>二</sup>土義廩咽

耶三鉢逗迷四摩摩尼鉢羅鞞摩尼五莎訶  
比呪名結蓮華坐呪一切佛菩薩天神坐華  
上誦此呪結之

印相以二手於中合掌今如合蓮華相印復  
開頭中指無名指二大小指頭相拄如大開

敷蓮華形誦前念六呪次第布於壇中十二請聖坐之

前之十五道皆在此用然後結印作法

第二普光寶清淨如來心印法梵云因鉢略婆

誦此呪已便作手印先以右手拇指與頭指  
拄餘三指展之次以左手展其頭指屈其拇

指餘三指壓之二手聚於心上在於佛前寂  
靜而住威儀齊整應以慈眼觀於衆生身不  
動搖安然禪定誦印呪曰

唵薩婆旦那伽多耶一摩尼涉縛邏尼二阿  
吠瑟吒耶三吽呼憾切下同

誦此呪兼手印已即得一切如來心印成就  
獲福德身若有善男子善女人以七寶滿三  
千大千世界及以衣服塗香旃香雜華瓔珞  
幢幡華蓋供養無量百千萬億恒河沙微塵  
等數諸佛世尊所得功德可思量不甚多世

尊不可思量佛言若有善男子善女人誦此陀羅尼呪及作印法滿一遍者所獲福德百千萬倍多前功德非諸如來以佛智力格量能盡若誦持一遍猶得如是無量功德况復如法作壇若有心念地獄餓鬼傍生惡趣諸苦惱者彼等衆生念六悉蒙解脫得生極樂世界十三親見一切諸佛如來此印是普光寶清淨如來心印即爲六十四恒河沙那庾他百千萬諸佛菩薩攝受誦持之者與諸菩薩得爲眷屬一切諸天常來擁護四天大王之所侍衛

吉祥天女辯才天女餉棄尼天女日夜利益作此印時諸有藥叉羅刹欲來惱者皆自馳散如不去者頭破作七分若有刀仗傷者病瘦困者業命盡者得見此印壽命增長無諸疾苦持一切呪者若見此印呪則成就所有壇法亦速成就若有百千萬億手印之法此印成已彼印即成諸佛如來悉爲授記決定當得無上菩提若法成時三十三天所有宮殿皆自震動諸天歡喜潛相扶衛辯才色力皆自增長有大威德衆人恭敬所出言詞聞

者生信具宿命智一切世論自然明了命終之後生蓮華臺相好端嚴由印力故速證菩提若欲作印當潔身淨服龍腦檀麝塗兩手然後恭敬作之

一切如來普光大寶會祕密印法

梵名波羅薩羅摩尼

矩醯摩訶母陀羅尼

第三一切如來加護心印呪

佛言應舒右臂仰置右膝上以拇指捻中指甲上以左手仰橫心上以拇指壓無名指中指甲上舒頭指及小指發慈悲心開目而住

專誠念佛誦此呪曰

唵薩婆旦那伽多一毘三菩壇娜二覺義跋闍黎三吽吽四

作此印呪法已即得一切如來之所護念唱言善哉舒手摩頂猶如赤子所有業障悉皆

散滅菩薩諸天恭敬擁護藥叉惡鬼不能侵

欺見此印已悉生慈悲心自然調伏誦此呪時諸見聞者皆生佛想若男子女人得見受持讀誦此印呪者彼人已為親見六十二那庾他百千萬俱胝諸佛如來等無異也決定

無疑所有餘法如上所說一切願者皆得圓  
 滿若念六趣衆生一遍作此印呪法彼諸衆  
 生無足二足四足多足皆得解脫來生決定  
 成正等覺一切諸天常來擁護若欲令一切  
 壇場法成就者亦速成就

第四一切如來瓔珞印法

佛言我今說瓔珞手印法應以兩手返掌於  
 外互以中指無名指相鉤各差其拇指結跏  
 趺坐以印當臍傾身向右豎其兩肩清目而  
 觀心念諸佛發慈悲心欲結印時先稱唵字

交腕相鉤時稱吽吽聲印竟云泮吒復誦後  
 印呪誦此呪曰

唵迦嵐 一 迦爛者 二 吽迦爛拂 三 迦爛者 四

又一呪

唵吽吽泮

念六

十五

此呪印能加護菩提道場加護轉大法輪加  
 護佛菩提樹令不動搖如須彌山如來護念  
 此人皆為授記身心清淨內外明徹猶如日  
 光寶珠解脫煩惱積聚功德其作手印之處  
 即是舍利之塔此地當有諸佛成道當有無

量衆生蒙如來記若惡鬼神來此地者皆自退走若有得見此印呪者滅無量罪不入八大地獄所有善願速即圓滿成就一切壇場印法重說呪曰

唵薩婆怛他伽多一地瑟咤那建立二摩尼摩

尼吽吽三

### 第五一切諸佛心印法

一切諸佛心印右肘當跨平展仰掌屈無名指小指與大指頭拄兩指端仰側當心小低頭微開其眼少斂其眉齒咬下脣自視其身

繫心念佛不令散動誦持此呪二十一遍即說呪曰

唵薩婆怛他伽他鉢囉合答比羅迦囉摩尼吽

結此呪者即爲得入十方一切諸佛法藏等無有異亦爲已入於一切諸佛曼陀羅即爲攝一切諸佛眷屬如是百千劫來重罪惡業消滅蕩盡無餘亦如已作十方諸佛壇印一等若爲十方所有一切作障難者若魔惡龍比怛野迦等如被呪師踏頭無異其諸魔等

如被火燒十方一切諸族種類所作障難呪師但當以念佛心結此印者是諸種族悉以臂膺著地求哀皈命當是之時其諸族等見印聞呪而更蒙益捨其惡心獲大福聚

第六一切如來師子座印法

念六

十六

佛言我說一切如來師子座印此印呪在如來加護心印呪上名安慰如來印呪法應結跏趺坐於心前作印如金剛鋒屈右手頭指與右手拇指相拄左手亦然復合兩手令兩中指頭相拄令兩小指相交至於掌中各舒

兩無名指以帛覆手曲躬向前令印拄地及兩膝上印所觸地皆為金剛此是一切如來金剛座印一切天魔惡鬼神等不能惱害自來降伏大龍國主咸來恭敬諸佛如來常加護念以佛神力嚴飾清淨此金剛座若有作此金剛座印者則為施與無量恒河沙諸佛如來金剛座已若為地獄餓鬼畜生阿素羅作此印者彼諸衆生皆速解脫當得清淨金剛之身即說呪曰

唵薩婆旦那伽多 一鉢囉縛囉摩尼 二戶嚧

指黎三吽吽泮

第七一切如來成大寶灌頂印法

佛言我今說一切如來成大寶灌頂印法應

先合掌然後開左右頭指復以左右中指與

左右無名指頭兩兩相拄復屈其左右拇指

壓左右小指甲上念六拄拇指中節十七即結跏趺坐

頂戴手印誦呪曰

唵薩婆呬他伽多一昆布邏廣義三婆鞞二生義

吽吽

若有善男子善女人作此印呪法已即得八

十億恒河沙微塵數諸佛如來以佛神力而

為灌頂與其授記成就一切曼荼羅印法獲

無量無邊不可思議功德無量金剛菩薩及

諸明仙亦來灌頂一切天龍藥叉乾闥婆阿

修羅迦樓羅緊那羅摩睺羅伽及四天王皆

來灌頂於明仙中為最上轉輪王於諸如來

為灌頂最尊子得入如來秘密會中若欲隱

其形質一切怨家不善知識及天龍藥叉諸

鬼神等皆不得見如觀虛空其持呪人能往

十方一切世界於諸如來前以大神變化作

七寶供具香華衣服雨寶冠蓋如垂天雲而  
以供養由呪印力故成就如是殊勝功德故  
名此印名達摩羯囉阿地瑟旦摩訶母姪囉  
阿世伽母達囉南

第八一切如來降伏熾然大魔軍智炬轉法

輪神變加護印法

佛言我今說如來降伏熾然大魔軍智炬轉  
法輪神變加護印法先屈右手頭指拄大指  
頭側節舒三指而掩心次屈左手大指於掌  
中微拳四指如蓮華葉以左大指拄右大指

結跏趺坐興慈悲心安住寂靜然後乃作此  
印已則能轉大法輪當此之時三千大千世  
界決定六種震動諸佛菩薩皆以慈眼觀持  
呪人大力金剛神虛空明仙常來隨從四天  
神王在四面立而為擁護晝夜侍衛若轉法  
輪時一切如來而為加護摧滅魔軍無諸障  
礙其持呪人能見世轉法輪坐菩提道場衆  
所尊重其有功德亦如諸佛菩薩轉大法輪  
身清淨心清淨憐愍一切衆生然後作此呪  
印作此法時先顰其兩眉合其口齊其上下

念六

十八

齒觀如來實相心念轉法輪作此法已能破一切魔王及諸障礙者能然大法炬建大法幢擊大法鼓鳴大法蟲能師子大吼增長功德即當與八十億恒河沙諸小呪力等無有異一切諸佛讚言善哉并為授記呪曰

唵薩婆旦那伽多 一三摩耶 二摩尼跋社黎

三吽吽四

第九得勝印法

梵名阿波羅至多母達羅

佛言我今說勝印法應以右手頭指柱大姆指頭側舒餘三指左手亦然後復以左手重

於右手上當於臍上面作瞋相自觀己身以右脚安左髀上令右脚拇指拄地以眼斜顧誦呪作印作是法已即能降伏一切魔軍而得強勝摧諸毘那夜迦能隱其形一切有情及諸藥叉羅刹等不能得見一切怨敵不能為害能破一切地獄餓鬼傍生等苦離諸惡業及貪瞋癡其作法人獲福如是於一切處常得尊勝所作事業永無障難離諸痛苦速得菩提十方諸天皆為擁護即說呪曰

唵 薩婆旦那揭多 一社耶微社耶 二阿介

多跋闍梨 三吽吽

第十如來輪印法

此名一切諸佛轉輪聖王母達羅亦是十方一切諸

佛母達羅

佛言我今說如來印法應先拳其右手四指

壓拇指上然後微拳左手似握物相覆重右

手上手面向下按之此名如來印法一切如

來悉皆隨喜作是印已如恒河沙百千萬俱

胝如來咸皆歡喜令受持者所有上願悉皆

成就恒見諸佛轉大法輪得仙人圍繞一切

呪法及手印壇法恒得現前十方諸天晝夜

擁護即說呪曰

唵薩婆怛他伽多 一達摩馱都 二摩訶摩尼

三誡佉梨 頂義曷囉曷囉吽吽捺 五

重呪曰

唵薩婆怛他揭多三末耶末尼拔折羅 二

吽

一切如來寶三末耶金剛母印 元闍

第十一金剛手菩薩印

佛言我今說轉輪王印法應以右手拇指與

無名指相拄左手亦然復以右手中指與左

手中指相鉤復以右手頭指與左手頭指相  
 拄仍舒其左右小指右肘遍稍舉上左肘遍  
 稍垂下恒看左肘展其左脚以右脚安左脚  
 上作怒目瞋相銜其下脣喉中發聲云吽心  
 念執金剛神并誦其呪作此法已三十三天  
念六  
 所有諸天皆悉戰懼宮殿震動藥叉羅刹及  
二十  
 鬼神毒龍毘那夜迦等皆悉伏面於地口稱  
 救護沒滅消散執金剛神常為喜悅所願成  
 就獲福無量使得為明仙主其作法時香湯  
 沐浴著鮮淨衣以香塗身一切如來共觀此

印壇場之中所有諸神皆大歡悅呪曰  
 唵薩婆旦那伽多 一摩訶跋闍羅 二阿婆訶  
 闍馱囉馱囉我義吽吽拂  
 第十二真多摩尼金剛菩薩呪  
 佛言印同前唯開其二手頭指不相拄結跏  
 趺坐以印當心發大慈悲淨目瞻視心專念  
 呪口出善言所願成就執金剛菩薩甚大歡  
 喜護念如此呪曰  
 唵杜嚧杜嚧 一摩尼摩尼 二摩訶摩尼 贊拄  
丁度多摩尼 三薩婆訶 四

第十三天王印呪

佛言應以右手扠腰舉其頭指以左手小指  
歷其拇指豎餘三指安於臍上其持呪人應  
作瞋相注睛而視誦呪曰

唵噓迦一波唎低二杜耶社耶吽三

第十四吉祥天女印法

念六  
梵云施羅地縛印

佛言應先舒其兩臂然後合其兩手掌相著  
並二大指相去一寸許微曲二頭指如鉤以  
三餘指兩兩相擬如蓮華形作此法時心所  
樂者皆如願即說呪曰

唵毘摩羅一孽筏底二三婆羅三吽四

第十五餉棄尼印法

佛言舉其左手微拳四指舒右頭指覆其左  
手置左膝上作怒目相稍前曲身誦此呪曰  
唵礪瑟里尼一味薩羅吽

女使者印法杜池印

第十六大笑女使者印法

佛言舒舉左手臂臂肘及肩向上斜努掩兩  
彌間復低右手掩左手引頸向前微曲其  
身誦呪曰

唵阿竭你摩耶一恒地囉聞遮吒二阿薩尼  
信你三吽

第十七住壇諸神等印法

佛言我今說住壇諸神等法仰交兩腕以十  
指相鉤掩於臍上立地以右脚踏左脚踏向

左斜踏地上誦此呪曰

唵三漫多迦羅

連義一

鉢里布囉尼

圓滿義二

馱迦

馱迦吽拂三

第十八蓮華印法

佛言我今當說蓮華齒天女印法應微拳左

右手掌相著作蓮華相以近左耳上然後漸  
漸印向下近於心左而住誦此呪曰

唵 娑婆羅羅一 比薩羅吽吽二

此蓮華印壇中所有一切畫蓮華者皆以此  
印印柱華上有著瓶者亦印瓶上

第十九根本印法

念六

廿二

爾時執金剛菩薩白佛言世尊云何根本印  
云何心印云何隨心印唯願世尊爲我演說  
佛言根本印者以右手頭指與拇指相拄以  
頭指甲掐大指甲側左手亦爾二手合掌當

心然後稍屈左右中指令兩頭相拄復展左右無名指亦令兩相拄各舒左右小指作此印時應誦上說根本呪作此印呪請四天王即得速來最勝擁護

第二十心印法

佛言心印者以右手拇指與無名指相拄舒餘三指掩於心上復以左手拇指與小指拄舒餘三指覆膝上指面向下平直展之名爲安慰手當說如上所說心呪

第二十一隨心印法

佛言隨心印者以右手拇指與無名指相拄舒餘三指仰安膝上復以左手拇指與小指相捻舒餘三指以掩於心又右手大指捻無名指端仰橫當心展舒三指左手仰於左膝上屈拇指一節餘悉展之作此印已所願者速得成就一切惡業自然消滅此印能成無上正覺若復有人隨所在處結是三印當知此地如有佛塔全身舍利持是法者十方一切諸天護世四天王應當供養如來舍利塔等無有異也一一印法所有功德說無窮盡

念六

廿三

作一法時則得以諸香華幡蓋塗香綵香衣服瓔珞雨諸七寶百味飲食湯藥卧具供養無量無邊恒沙諸佛便與如來同一法會得佛授記讚言善哉諸佛如來皆來問訊慈眼視之執金剛菩薩四天王等與其眷屬晝夜

衛護當知此地則為是塔若有衆生住此地者決定當得不退轉位是故執金剛菩薩若善男子善女人苾芻苾芻尼優婆塞優婆夷應生尊重心常讚誦受持書寫供養獲福無量成就諸戒成就大精進大忍辱成就大禪

定成就大檀那成就大智慧成就洪流功德成就六波羅蜜若有得此陀羅尼呪印壇場法者獲福如是佛說是經已一切大衆皆大歡喜信受奉行

廣大寶樓閣善住祕密陀羅尼經卷下

音釋

抗古行切稻菘力玉切橄陟里切旄女綺切皺古祿切  
 側救切 掣色角切 鉗直垂切 輻方六切 轂古祿切  
 眉攢也 與虛戈切 麤愚兩切 麝神夜切 齋前西切  
 脰與同切 擗昆賓切 孽魚傑切 碭徒浪切 嬾奴買切

永樂北藏

寶樓閣經

第五四册

掐  
爪苦洽切  
剝也